

## *Europeada 2016 – a my smy pódla byli w rjanym Južnym Tirolu*

Sobota/ Njedzela, 18./19.06.2016

Po nej paru a z wulkimi wočakowanjami zastupichu 26 serbskich koparskich fanow do busa na směr Južny Tirol. Dokelž pak bě skoro před poťnocy, wšitkim poměrnje chětre woči zapadnychu a čas čakanja so spěšnje minješe. Nimo Mnichowa a Innsbrucka docpěchmy Italsku hranicu. Slónčko pak na nas nječakaše – ně, wone so samo schowaše. Ale jako Brennerowy přesmyk přeprěčachmy, pokazaše slónčko swoju móc a zmóžni nam snědaň při rjanym wjedrje. Snědaň běše poťnych klóšćenkow. Dobra skibka tykanca wot pjekarja Jeremias a šmałcowe pomazki dachmy sej zesłodzeć. Nětko pak chětr, hišće hodžinka jězby před nami ležeše a holčce mustwo běše hižo na puću k přenje hry. Zmištrwachmy pak wšitko derje a dojedžechmy sej po nimale 12 hodžinow do Mühlwald na přenju hru serbskich koparkow. Nalada běše wurjadna a překłapjenka wulka, jako tak wjele dalších serbskich fanow wuhladachmy. Wšitcy su sej do Južneho Tirola došli, zo bychu koparsku wubranku podpěrali. Ale krótko po zahwizdze přeni šok, jako widžachmy, kak sej naše holcy wot francowskej mjeńšiny Occitanorow porjadne na měcu dóstachu. Wuslědk 12:1 – wysoka porážka! Ale euforija bě njezlamana – Serbja z wótřymi spěwami jich holcy podpěrachu a so pola nich podžakowachu. Při tak wjele dožiwnjenow, hižo na přenim dnju, dojedžechmy sej skónčnje do našeho hotela „Mühlener Hof“ w Mühlwald. Stwa běše chětre namakana a po krótkej přestawce rěkaše: ab na přenju hru našich hólcow do Ahrntala – do St. Johann. Tež hdyž wětřik chětro sylnje dužeše, běše tež tu nalada extrem wulka. Wjace hač 300 fanow běchu sej došli a naše hólce mustwo podpěrowachu. Serbja hrajachu napřećo koparjow Sewjerny Schleswig -> Němcy w Danskej. Naše mustwo nas překłapja z dobyćom 5:1 a tak so přeni dzeń našeje jězby skónči. Mučni ale wjesoľi padnychmy do našich nowych łožow za přichodne 7 nocy.

Póndzela, 20.06.2016

Naše přenje ranje w rjanym Južnym Tirolu započinachmy cyle měrne. Podachmy so na druhu hru našich serbskich hólcow do Sand in Taufers. Tu knježeše zaso wurjadna atmosfera pod kulisy mnohich serbskich chorhojow. Hra serbskich koparkow přećiwo hólcow Južneho Tirola, favorit lětušeje Europeady. Tež džensa naše mustwo wulke chancy njeměješe. Wuslědk 5:0. Druha porážka, ale naše holcy cyle wjesoľi na trawnišću spěwachu a rejowachu. Tak smy to wot našich Serbow zwućeni - spěwać a rejować w kóždej situaci!

Hač k druhej hrě našich mužů běše hišće čas a tuž podachmy so pěši do centruma Sand in Taufers. Tu wobhladachmy sej wulku twjerdžiznu, kotraž imposantny krajny wobraz wobswěćuje. Hišće jedyn kófej a lód a potom běše zaso čas so k busej nawróćić. Dyrbjachmy hišće na druhu hru našich mužů do Mühlwald. Napřećiwnik rěka džensa: Madžerojo w Słowakskej. Tu pak bórže pytnychmy, zo hólcy drugeho mustwa chětro agresiwniši su hač běchmy to dotal zwućeni. Ale swarjenje a mjerzanje jim dale njepomhaše. Hra skónči so njerosudna 2:2. Po hrě podachmy so zaso do našeho hotela.

Wutora, 21.06.2016

Džensa dowoleše nam hrajny plan cyły dnjowski wulět. Rano w 09:00 hodź. postrowi nas naš nowy wjednik. Běše to Klaus z Percha, tu z Južneho Tirola. Wón wozmje nas sobu na jězbu přez swoju domiznu. Na planje steješe jězor a 6 přezsmykow krasnych Dolomitnych horin. Jako přenje překlápješe nas Klaus z krasnym wuhladom na Pragski jězor, kiž leži romantisce mjez horin. Potom pak rěkaše wšitke nerwy hromadze brać a našemu šoferej Olafej dowěrić. Wjace hač 100 nahłych křiwicow wjedźechu nas přez 6 přezsmykow Dolomitow. Strapaca pak so wupłaći a krasny wuhlad přichodny honi. Nawuknychmy, zo njeprjédže Marmolada jenož na całtu ale tež, zo je to najwjetša hora Dolomitow. Dale pokazaše nam Klaus domiznu Ladinorow z jich taflami, kotraž běchu samo třirečne. A po nimale 8 hodžinow docpěchmy zaso našu zwučenu wysokosć a naš hotel.

Tu rěkaše: Božemje a dźakuju Tebi Klaus. Dyrbimy dale na třecu hru našich mužů do Sand in Taufers. Hra Serbow napřeco Koroška Kärnten – slowjenska mjeńšina w Awstriskej. Tu běše ćišć jara wulki, wšako dyrbjachu naši mužojo dobyć, zo bychy do přichodneho koła přišli. Euforija cyle jasna - tam hdžež su Serbja je nalada najwjetša. Ale podpěra a spěwna pomoc fanow ničo njepomhaše. Poražka 3:2 přećiwo Korošku. A tuž bě jasne – tu je nětko kónc za našich mužů. Małki tróšt pak bě, zo tak wjele profijow pola tamnych mustwow sobu hraja. Tak skónči so dalši džeń našeho rjaneho dowola.

Srjeda, 22.06.2016

Kulturny džeń – tón wulki kulturny džeń steji džensa na planje. Ale bohužel najprjedy jenož za koparske mustwa. A tuž podachmy so na krasne pućowanje k wodopadam w Sand in Taufers. Prěni wodopad docpěchmy hižo po krótkich 20 mjeńšinow, a napohlad mócneje wody běše gigantiski. Po małej přestawce podachmy so dale k druhemu a třecemu wodopadej. Nalada běše perfektna, wuhlad dych berjacy a vysoko na horje naš cil – małka kapałka, hdžež sej swěčki zaswěchmy a kěrluš zaspěwachmy. Potom rěkaše zaso wróco, wšako chcychmy tola hišće na tón wulki kulturny džeń do St. Martin. Połnych wočakowanjow dojedźechmy sej na wysoku horu, hdžež steješe muzej Ladinorow w St. Martin. Ale što to? Žane znamjo wot wulkeho kulturneho dnja. 3 abo 4 koparske mustwa, kotřiž so wostudle w stóncu pasechu, jedna hudźbna skupina, kiž piskaše menje abo bóle za sebje sama - ale žane skupiny, kotraž bychy na kulturny džeń pokazali. Tola - krasny wuhlad na dolomitow přestapjenje wolóži a tak dojedźechmy sej zaso wróco do hotela, hdžež sej wječer zesłodźec dachmy.

Štwórtk, 23.06.2016

„Wšitko, jenož nic poslednje so stać!“ – je džensa moto posledneje hry našich žonow. Tuž podachmy so do Mühlwald a zaso rěkaše: „Serbske chorhoje won, megafon sobu a ab na podest za podpěru“. Hižo po krótkim času so spěwy a sony fanow wuslyšachu a přenje wrota padnychy. Holcy nochcychy sej tutu šancu spadnyć dać a wojowachu a škitachu kaž wo swójske žiwjenje. Próca so wupłaći. Serbske koparki dobychu hru wo 5. městno z 1:0 přećiwo koparkow Las Rumantschas. Wězo dyrbjachu to fanojo kaž tež koparki mócne swječić. Zhromadnje wšitcy „Kofoteptanje“ a „Takle wjerčimy“ rejowachu a so tak wjeselachu, kaž by to samo finale był.

Ale džeń njebě hišće nimo. Dojedźechmy so po hrě do Antholza, centrum biatlonoweho swětoweho mišterstwa. Tu wočakowachu nas rjany biatlonowy stadij kaž tež krasny ležacy Antholski jězor, kiž wšitkich wopytowarjow z rjanym kołoběhom witaše. Wuchodźowachmy so, wočerstwichmy so a pokazachmy našu zmužitosć z tym, zo nohi do lód-zymneje wody tyknychmy. Ze zhromadneje wječerju skónči so tutón rjany džeń w Južnym Tirolu.

Pjatk, 24.06.2016

Kónc jězby so pomaťku bliži a tuž chcychmy tež hišće woblubowany twarožk wobtać. Tak dojedźechmy sej rano do Toblacha, do twarožkownje „Drei Zinnen“, pomjenowana po znatych susodnych horin. Tu powita nas młody kadla a wjedžeše nas přez stawizny a produkciju twarožka. Nětko wšitcy wěmy, kak etiket na twarožk přińdže a hdy kajka „kultura swój ćišć wotpušći“. Na kóncu móžachmy samo wšelake družiny twarožka wobtać. Chětre hišće twarožk za doma nakupić a hišće hodžinku za maťke wuchodźowanje w susodnym Innichen wužić. W cyrkwi dožiwichmy pišćelowy koncert a dachmy sebi lód při tutej wuběrných temperaturach zesłodžeć.

Potom pak běše zaso čas za kopańcu. Dojedźechmy sej do Olang, nam hač dotal hišće njeznate hrajnisko. Finale žonow – Južny Tirol napřećo žonam Occitanorow. Hosćičeljo mějachu wutrajnu žižku a wudobychu sej finale z 3:2. Dožiwichmy jónkrótnu zhromadnosć mjez wšitkimi koparkami.

Dzeń pak njebě hišće nimo. Dale džěše do Ahrntala do St. Johann na poslednu hru našich mužů, wo 13. městno. Serbja hraju napřećo Sewjernym frisam. Skoku bě jasne što dobyćer tuteje hrě budže. Po tym, zo hraješe samo serb pola druhého mustwa sobu, zhubi hra na chutnosću. Ale dobyće bě wěste a rezultat 9:0 jara jasny. Haj, a tak skónči so tež tutón rjany dzeń a wjesoľi dojedźechmy sej zaso wróćo do hotela.

Sobota, 25.06.2016

Posledni dzeń našeho rjaneho dowola započina so z jězbu na horu Kronplatz, najwjetši skiowy areal tuteje kónčiny. Dojedźechmy sej do Brunecka a dale z powjaznicu na wjeršk hory. A što so nam tu poskići? Krasny wuhlad na wšě horiny, kaž Dolomity, Sextner Dolomity, na Marmoladu abo samo na Zillertalerowe alpy. 3 hodžiny wužiwachmy za rjany wulět na horje Kronplatz. Po nawróće do hotela zetkachmy zaso našich młodych, kiž jich zmužitosć při „Wildwasser-Rafting“ dopokazachu. Wosebje wjesoľi běchmy, jako zhonichmy, zo so samo naš najmjeńši nad wodu džeržeše. Na planje steješe hišće wulki finale. Tak dojedźechmy sej na zakónčacu hru Europeady 2016. Mužoj Južneho Tirola přećiwo mužow Occitanorow. Běše to zawěšće přeni raz, zo bě stadij tak poľny kaž tutu sobotu popoľdnu. Knježeše krasna atmosfera, runje pola holcow Južneho Tirola, kiž jich mužů spěwne podpěrowachu. Kónc hry běše tróšku chaotiski, ale Južny Tirol móžese tež tutón wustupk za sebje džeržeć a krasne dobyće w swójskej domiznje swjećić. Tak je Južny Tirol hižo k třěćemu razej dobyćer Europeady. Nětko je čas, zo jich něchtó ze „stoľpa čisny“, ale to dožiwimy hakle w lěće 2020.

Njedźela, 26.06.2016

Rano zahe zetkachmy so wšitcy z našimi kóframi zaso při busu a podachmy so na dompuć, wróćo do Łužicy. Z rjanymi dožiwjenjami wopušćichmy Ahrntalowy doľ a myslachmy hišće doľho wróćo na rjany minjeny tydzeń.

